

KANTONALNI SUD U TUZLI

I N F O R M A C I J A
O RADU KANTONALNOG SUDA U TUZLI
ZA 2022. GODINU

Tuzla, februar 2023. godine

UVODNE NAPOMENE

Organizacija, nadležnost i finansiranje pravosuđa, kao i druga pitanja značajna za organizaciju i funkcionisanje sudova na teritoriji Federacije Bosne i Hercegovine uređena su Zakonom o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10, 72/10, 7/13 i 52/14).

Odredbom člana 63. navedenog Zakona propisano je da sud podnosi godišnju informaciju o svom radu za proteklu godinu nadležnom ministarstvu pravde i Visokom sudskom i tužilačkom vijeću Bosne i Hercegovine.

U skladu sa prethodno navedenom zakonskom odredbom cilj ove informacije je da se nadležni organi upoznaju sa radom Kantonalnog suda u Tuzli u prethodnom periodu kroz pregled rada osnovnih organizacionih jedinica suda – Odjeljenja sudske uprave, Krivičnog, Građanskog i Upravnog odjeljenja.

I – SUDSKA UPRAVA

Poslovi kojima se obezbjeđuju uslovi za pravilan rad i poslovanje suda obavljaju se u okviru Sudske uprave.

Poslovi Sudske uprave u toku 2022. godine uspješno su obavljani, što je dalo dobre rezultate u pogledu kvantiteta i kvaliteta rada suda.

Kantonalni sud u Tuzli na početku 2022. godine imao je ukupno 75 zaposlenika, od čega 25 sudija, uključujući i predsjednicu suda i 50 ostalih zaposlenika. U mjesecu februaru 2022. godine jedan sudija je otišao u penziju, tako da je do 16.06.2022. godine u sudu radilo 24 sudija, a od 16.06.2022. godine Visoko sudsko i tužilačko vijeće BiH imenovalo je u ovaj sud 3 redovnih sudija, s tim što je 2 sudija odmah počelo raditi, a jedan sudija koji je bio na porodiljskom odsustvu, nastavio je to odsustvo do mjeseca oktobra 2022. godine. U toku godine dvoje zaposlenika otišlo je u penziju, a sud je primio 5 zaposlenika, uključujući i jednog stručnog saradnika. Do kraja godine u ovom sudu je radilo 82 zaposlenika, od čega 27 sudija, s tim što je jedan sudija otišao u penziju 15.12.2022. godine.

Sudije su raspoređene u okviru tri odjeljenja:

- Građanskog odjeljenja
- Krivičnog odjeljenja i
- Upravnog odjeljenja

i to tako što je u Građansko odjeljenje raspoređeno do 16.06.2022. godine 15 sudija, a od tog datuma 18 sudija, u Krivično odjeljenje 6 sudija, a u Upravno odjeljenje 2 sudija.

U toku 2022. godine raspisan je konkurs za izbor 5 sudija i to u mjesecu maju 2022. godine za izbor 3 sudija, a pri kraju godine još 2 sudija, tako da će novoizabrane sudije biti raspoređene na građanski i krivični referat.

Još uvijek nije popunjena sistematizacija ovog suda, jer pored izbora 5 sudija, za koje procedura još uvijek traje, ovom sudu po sistematizaciji nedostaje još 2 redovnih sudija. Iz tih razloga za 2023. godinu obezbjedit ćemo u budžetu suda sredstva za popunu još 2 pozicije sudija, tako da ćemo u narednom periodu tražiti saglasnost od strane Vlade Tuzlanskog kantona za raspisivanje konkursa za popunu ovih upražnjenih pozicija. Kantonalni sud u Tuzli pod svojom jurisdikcijom ima 8 općinskih sudova, pa povećanje broja sudija i stručnih saradnika u općinskim sudovima dovelo je do povećanja broja neriješenih predmeta u Kantonalnom sudu u Tuzli, imajući u vidu nesrazmjer u pogledu broja sudija ovog suda i sudija općinskih sudova.

Odlukom Visokog sudskog i tužilačkog vijeća BiH broj 06-07-2-317-1/22 od 17.01.2022. godine troje sudija Kantonalnog suda u Odžaku privremeno je upućeno na rad u Kantonalni sud u Tuzli radi otklanjanja, zaostalih neriješenih predmeta, s tim što je jedan sudija određen samo kao član vijeća, tako da je na rješavanje predmeta Kantonalnog suda u Tuzli upućeno 2 sudija, koji su radili na rješavanju predmeta iz građansko – pravne oblasti, s tim što ove sudije nisu bile u Planu rješavanja predmeta, što je značajno kod jednog sudije uticalo na dužinu trajanja postupka u predmetima koji su mu dodijeljeni u rad, dok je drugi sudija efikasno i ažurno rješavao predmete.

Kantonalni sud u Tuzli u 2022. godini imao je na početku godine 49 zaposlenika, a na kraju godine 55 zaposlenika, od čega 4 državna službenika. Još uvijek postoji potreba za većim brojem viših referenata za operativno – tehničke poslove (daktilografa), jer se obim posla stalno povećava, zaposlenici odlaze na bolovanje, a težište posla se prenosi na ostale zaposlenike, a što se sve odražava na njihovo zdravstveno stanje, a ovi razlozi utiču na efikasan rad suda.

U 2022. godini uspješno je realizovan Program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH i drugih institucija koje se bave stručnim osposobljavanjem sudija, s tim što je jedan dio seminara bio organizovan on-line, što je olakšalo sudijama prisustvovanje edukaciji, jer nisu imali potrebe za putovanjem van mjesta boravka.

I u 2022. godini nastavljen je Projekat finansiran od strane USAID pod nazivom „Pravosuđe protiv korupcije u BiH“, te u skladu sa postavljenim ciljevima ovog projekta prioritarno rješavanje predmeta korupcije.

Tokom 2022. godine jedan dio sudija i zaposlenika bio je odsutan usljed bolovanja koja su kod nekih sudija trajala od mjesec dana do 3 mjeseca u kontinuitetu, što se u konačnici odrazilo na ukupan broj riješenih predmeta i realizaciju postavljenih programskih ciljeva. Ostala odsustva sudija bila su u skladu sa zakonom, a radi se o odsustvu po osnovu godišnjeg odmora, državnih i vjerskih praznika, te odsustvu zbog obavljanja edukativne aktivnosti.

U 2022. godini u Kantonalnom sudu u Tuzli dvoje nosilaca pravosudnih funkcija prisustvovali su međunarodnim konferencijama, i to jedan kao učesnik, a drugi kao edukator.

Ustavni sud Bosne i Hercegovine koji ima apelacionu jurisdikciju za pitanja iz Ustava BiH koja se pojave na osnovu presuda bilo kojeg suda u Bosni i Hercegovini u pogledu prava iz Ustava Bosne i Hercegovine, a između ostalog i prava zagaranтованих Evropskom Konvencijom o ljudskim pravima i osnovnim slobodama, donio je 117 odluka povodom predmeta koji su se nalazili u radu kod ovog suda, od čega u 6 predmeta odluke kojima se odbacuje apelacija, u 37 predmeta odluke kojima se odbija apelacija, u 69 predmeta odluke kojima se usvaja ili djelimično usvaja apelacija po članu 6. Evropske Konvencije o zaštiti o ljudskim pravima, a 5 predmeta su završeni na drugi način. Ustavni sud BiH u svojoj odluci nije se odredio da li je prekoračenju razumnog roka za rješavanje predmeta doprinos bio na strani prvostepenog ili drugostepenog suda, nego je naveo da su takvom postupanju uticali redovni sudovi. U većini predmeta kojima je usvojena apelacija od strane Ustavnog suda BiH, radilo se o završenim predmetima u kojima su stranke nakon okončanja postupka podnosile apelacije zbog povrede člana 6. Evropske Konvencije o zaštiti o ljudskim pravima, s ciljem ostvarivanja prava na naknadu materijalne štete.

II – OSTVARENI REZULTATI U RADU NA PLANU RJEŠAVANJA PREDMETA U 2022 GODINI

Kantonalni sud u Tuzli donio je Plan rješavanja predmeta za 2022. godinu pod brojem 003-0-Su-21-000 872 od 24.01.2022. godine koji je dostavio Visokom sudskom i tužilačkom vijeću Bosne i Hercegovine. Na dan 01.01.2022. godine ukupno u sudu je bilo neriješenih 5.418 predmeta na svim referatima, od čega na krivičnom referatu 504 predmeta, na građanskom referatu 4.689 predmeta, na referatu upravnog spora 217 i na referatu sudske uprave 8 predmeta.

U tački II Plana određeno je da sudija treba da riješi 80% predmeta od godišnjeg normativa definisanog za način završetka „odluka u meritumu“ referata na kojem sudija postupa, a preostali dio norme u procentu od 20%

sudija će ostvariti rješavajući procesne i po zakonu hitne predmete koji zbog vremena podnošenja inicijalnog akta nisu uključeni u Plan.

Kantonalni sud u Tuzli u skladu sa tačkom 5. Izmjene i dopune Uputstva za izradu plana rješavanja predmeta bio je u obavezi svaka tri mjeseca donositi planove sa određenim brojem „predmeta po starosti inicijalnog akta“ koje je svaki sudija bio dužan staviti u rad u tromjesečnom periodu, a ti planovi su bili sastavni dio Plana rješavanja predmeta za 2022. godinu. Za prvostepene krivične, upravne predmete i predmete priznanja inostranih odluka u građanskim stvarima, sud je donio plan na godišnjem nivou.

U skladu sa donesenim Planom u Tabeli 1. prikazan je Pregled plana rješavanja predmeta po starosti inicijalnog akta i broju sudija u izvještajnom periodu od 01.01.2022. godine do 31.12.2022. godine, a u Tabeli 2. Pregled riješenih, neriješenih predmeta iz plana i procenat realizacije plana prikazan po starosnim kategorijama

Tabela 1 – Pregled plana rješavanja predmeta po starosti inicijalnog akata i broj sudija

REFERAT	Broj sudija koji su radili na predmetima iz plana na referatu	Predmeti inicirani 2022.g.	Predmeti inicirani 2021.-2020.g.	Predmeti inicirani 2019.-2018.g.	Predmeti inicirani 2017.-2014.g.	Predmeti inicirani 2013.-2009.g.	Predmeti inicirani 2008.g. i ranije	Ukupno predmeta u planu
IZVRŠNO	17	0	1	72	256	80	24	433
KRIVIČNO	4	2	262	154	89	10	2	519
PARNIČNO	17	0	14	624	833	81	17	1.569
PREKRŠAJNO	2	9	125	20	12	0	0	166
PRIVREDNO	17	0	0	65	107	3	4	179
UPRAVNO	2	125	224	7	8	0	0	364
VANPARNIČNO	17	44	32	14	64	10	6	170
ZEMLJIŠNO-KNJIŽNO	17	0	0	105	72	0	0	177
UKUPNO:	25	180	658	1.061	1.441	184	53	3.577

Tabela 2 – Pregled riješenih, neriješenih predmeta iz plana i procent realizacije plana prikazan po starosnim kategorijama

	Predmeti inicirani 2022.g	Predmeti inicirani 2021.-2020.g	Predmeti inicirani 2019.-2018.g	Predmeti inicirani 2017.-2014.g	Predmeti inicirani 2013.-2009.g	Predmeti inicirani 2008.godine i ranije	Ukupan broj predmeta
Broj predmeta u planu	180	658	1.061	1441	184	53	3.577
Neriješeni predmeti iz plana	0	9	10	6	1	1	27
Riješeni predmeti iz plana	180	649	1.051	1435	183	52	3.550
% realizacije	100%	98,63%	99,06%	99,58%	99,46%	99,11%	99,25%

I – Ocjena u pogledu stepena realizacije Plana

Kantonalni sud u Tuzli u skladu sa Planom rješavanja predmeta riješio je do 31.12.2022. godine na svim referatima ukupno 3.550 predmeta, te ostvario procent realizacije plana na nivou svih referata od 99,25%, s tim što valja dodati da se troje sudija nalazilo na dužem bolovanju u toku godine, a jedan sudija je otišao u penziju u mjesecu februaru 2022. godine, a drugi sudija dana 15.12.2022. godine, što je sve uticalo na ukupan broj predmeta koji su se mogli završiti u toku godine.

Na kraju izvještajnog perioda ostalo je neriješenih 27 predmeta, među kojima su prvostepeni krivični predmeti koji se nisu mogli riješiti zbog njihove složenosti i dugotrajnosti dokaznog postupka i drugostepeni parnični predmeti, jer je sudija otišao na bolovanje.

Od 3.550 predmeta koliko je riješeno iz plana, riješena su 52 predmeta inicirana 2008. godine i ranije, 183 predmeta inicirana 2013. – 2009 godina, 1.435 predmeta inicirana 2017. – 2014. godina, 1.051 predmet iniciran 2019. – 2018. godina, 649 predmeta inicirana od 2021. – 2020. godine i 180 predmeta inicirana 2022. godine.

II – Predmeti sa procesnim ili zakonskim smetnjama u sudu

U toku perioda za koji je donesen plan, 3 predmeta iz plana su označena kao predmeti sa procesnim ili zakonskim smetnjama i radi se o 2 krivična predmeta u kojima je nedostupan optuženi i jednom parničnom predmetu koji je vraćen prvostepenom sudu radi preduzimanja određenih radnji, zbog čega se na ovim predmetima nije moglo aktivno raditi.

III – KVANTITET RADA

Kantonalni sud u Tuzli ostvario je u 2022. godini kolektivnu normu suda u procentu od 123,56%.

Pregled ostvarene godišnje norme pojedinačno po sudijama je slijedeći:

Redni broj	Prezime i ime sudije	Procenat norme
1.	Hadžimehmedović Indira predsjednica suda	108,40%
2.	Razić Asja predsjednica Građanskog odjeljenja	125,14%
3.	Helić Vildana predsjednica Krivičnog odjeljenja	261,79%
4.	Krsmanović Predrag predsjednik Upravnog odjeljenja	100,49%
5.	Lekić Smiljana	123,53%
6.	Bišćić Admir	113,25%
7.	Hajdarbegović Safet (od 16.06.2022. godine)	115,32%
8.	Alić Fahira (od 16.06.2022. godine)	119,22%
9.	Brkić Emina	126,57%
10.	Ferizbegović Amira	101,35%
11.	Begović Tenzila	120,23%
12.	Sarajlić Jasna	120,90%
13.	Jović Verica	119,95%
14.	Stanković Silva (bila na bolovanju 22 dana)	119,72%
15.	Jovanović Mihaela	121,84%
16.	Delić Amela	118,13%
17.	Škripić Aida (bila na bolovanju 64 dana)	102,55%
18.	Halilović Vahida	123,49%
19.	Baraković Sabira	125,37%
20.	Mujčinović Alma (imenovana 16.06.2022. godine – bila na bolovanju 90 dana)	63,41%
21.	Džanić Rozalija (otišla u penziji od 15.12.2022. godine)	132,29%
22.	Sušić Mersida	131,09%
23.	Jusičić Samir	138,79%
24.	Gutić Merima	113,20%
25.	Softić Paša (bila na bolovanju 89 dana)	93,46%
26.	Latifović Faruk	115,41%
27.	Kamberović Hadžiefendić Šejla (bila na bolovanju 70 dana)	124,12%

Norma sudija kreće se u rasponu od **63,41% - 261,79%**.

Sudija koja je ostvarila normu od 63,41% je novoimenovana sudija koja je imenovana u Kantonalni sud u Tuzli dana 16.06.2022. godine,

međutim, u vrijeme imenovanja bila je na porodiljskom odsustvu, tako da je u ovom sudu počela raditi od 20.10.2022. godine.

Sudija koja je ostvarila normu od 261,79% je predsjednica Krivičnog odjeljenja ovog suda.

IV – KVALITET RADA

Kvalitet rada suda izražava se u procentu potvrđenih, preinačenih i ukinutih odluka u predmetima koji su rješavani po žalbama i vanrednim pravnim lijekovima na Vrhovnom sudu Federacije Bosne i Hercegovine, a ocjenjuje se kroz rad sudija na referatima na kojima su raspoređene sudije u okviru sudskih odjeljenja. U pogledu kvaliteta donesenih odluka ovaj sud je postigao dobre rezultate, jer je **kvalitet sudskih odluka na svim referatima ostvaren u procentu od 89,27%**.

U sudu je ukupno doneseno 4.589 odluka na koje se može izjaviti pravni lijek. Ožalbeno je 429 odluka ovog suda, od kojih je u 183 predmeta odbačen pravni lijek, u 294 predmeta potvrđena je odluka, u 75 predmeta odluka je preinačena, u 59 predmeta odluka je u cjelosti ukinuta, a u 1 predmetu djelimično ukinuta. U 20 predmeta, predmet je vraćen ovom sudu na ponovno suđenje.

I u 2022. godini sud je zadržao kvalitet rada na svim referatima.

Pregled ostvarenog kvaliteta rada pojedinačno po sudijama

Ime i prezime sudije	Broj donesenih odluka na koje se može izjaviti pravni lijek	Broj ožalbenih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Procent ukinutih odluka u odnosu na ukupan broj potvrđenih, preinačenih i ukinutih odluka	Procent ukinutih odluka u odnosu na ukupan broj donesenih odluka na koje se može izjaviti pravni lijek
Indira Hadžimehmedović	49	0	0	0	0	0	Nije imala ukinutih odluka	Nije imala ukinutih odluka
Admir Biščić	228	22	20	1	1	0	4,54%	0,43%
Aida Škripić	154	5	4	0	0	1	Nije imala 10 ožalbenih odluka	Nije imala 10 ožalbenih odluka
Alma Mujčinović	25	22	1	0	1	0	Ne vrši se ocjenjivanje, jer je sudija bila na dužem bolovanju	Ne vrši se ocjenjivanje, jer je sudija bila na dužem bolovanju
Amela Delić	228	4	4	0	0	0	Nije imala 10 ožalbenih odluka	Nije imala 10 ožalbenih odluka

Amira Ferizbegović	214	39	25	11	3	0	7,69%	1,40%
Asja Razić	197	5	4	1	0	0	Nije imala 10 ožalbenih odluka	Nije imala 10 ožalbenih odluka
Emina Brkić	254	7	6	1	0	0	Nije imala 10 ožalbenih odluka	Nije imala 10 ožalbenih odluka
Fahira Alić	210	86	76	6	3	1	4,06%	1,66%
Faruk Latifović	229	6	5	0	1	0	Nije imao 10 ožalbenih odluka	Nije imao 10 ožalbenih odluka
Jasna Sarajlić	228	7	6	1	0	0	Nije imala 10 ožalbenih odluka	Nije imala 10 ožalbenih odluka
Merima Gutić	95	59	32	7	20	0	33,90%	21,05%
Mersida Sušić	72	37	22	5	10	0	27,03%	13,89%
Mihaela Jovanović	230	40	29	7	3	1	8,75%	1,52%
Paša Softić	132	40	29	5	6	0	15%	4,55%
Predrag Krsmanović	182	84	40	32	12	0	14,29%	6,59%
Rozalija Džanić	32	4	3	0	1	0	Sudija nije ocijenjena - penzionisana	Sudija nije ocijenjena - penzionisana
Sabira Baraković	244	3	3	0	2	0	Nije imala 10 ožalbenih odluka	Nije imala 10 ožalbenih odluka
Safet Hajdarbegović	200	95	77	12	4	2	5,26%	2,50%
Samir Jusičić	37	40	30	7	3	0	7,50%	8,11%
Silva Stanković	214	11	11	0	0	0	Nije imala ukinutih odluka	Nije imala ukinutih odluka
Smiljana Lekić	241	5	4	1		0	Nije imala 10 ožalbenih odluka	Nije imala 10 ožalbenih odluka
Šejla Kamberović Hadžiefendić	183	67	51	9	1	5	5,22%	1,91%
Tenzila Begović	244	11	10	1	0	0	Nije imala ukinutih odluka	Nije imala ukinutih odluka

Vahida Halilović	242	4	4	0	0	0	Nije imala 10 ožalbenih odluka	Nije imala 10 ožalbenih odluka
Verica Jović	235	10	10	0	0	0	Nije imala ukinutih odluka	Nije imala ukinutih odluka
Vildana Helić	37	3	3	0	0	0	Nije imala 10 ožalbenih odluka	Nije imala 10 ožalbenih odluka

NAPOMENA:

U navedenoj tabeli su prikazani rezultati rada sudija – kvalitet sudskih odluka za Kantonalni sud u Tuzli i kvalitet sudskih odluka dostavljen za sudije iz sudova u kojima su radili prije dolaska u Kantonalni sud u Tuzli.

Iz navedene tabele slijedi da je najbolji kvalitet sudskih odluka postignut na građanskom referatu i referatu upravnog spora u odnosu na kvalitet sudskih odluka na krivičnom referatu, jer kod nekoliko sudija na ovom referatu evidentiran je procent ukinutih odluka u većem postotku.

U odnosu na prethodnu 2021. godinu, kvalitet rada suda u 2022. godini također je na visokom nivou i nešto je veći u odnosu na prethodnu godinu. Naime, u 2021. godini kvalitet sudskih odluka na svim referatima ostvaren je u procentu od 88,88%, dok je u 2022. godini kvalitet sudskih odluka ostvaren u procentu od 89,27%.

V – PROTOK PREDMETA I REZULTATI RADA SUDA

Kantonalni sud u Tuzli započeo je 2022. godinu sa prenesenih 5.418 neriješenih predmeta na svim referatima, a od tog broja na građanskom referatu preneseno je 4.689 predmeta, na krivičnom referatu 428 predmeta i na referatu upravnog spora 217 predmeta, 76 prekršajnih predmeta i 8 predmeta sudske uprave. U toku 2022. godine primljeno je na svim referatima ukupno 6.489 predmeta i najviše predmeta primljeno je na građanskom referatu 3.874 predmeta, na krivičnom referatu 1.506 predmeta, na referatu upravnog spora 418 predmeta, na prekršajnom referatu 346 predmeta i na referatu sudske uprave 345 predmeta.

U odnosu na 2021. godinu kada je na svim referatima primljen 5.461 predmet, u 2022. godini primljeno je 6.489 predmeta, što predstavlja povećanje za 1.028 predmeta ili procentualno 15,84%. U 2022. godini na građanskom referatu primljeno je 3.874 predmeta, dok je u 2021. godini primljeno 2.713 predmeta, što predstavlja povećanje za 1.161 predmet ili procentualno 29,96%. Na krivičnom i prekršajnom referatu u odnosu na 2021. godinu kada je primljeno 1.997 predmeta, u 2022. godini primljeno je 1.852 predmeta, što predstavlja smanjenje za 145 predmeta u odnosu na

2021. godinu ili procentualno 7,82%. Na referatu upravnog spora u odnosu na 2021. godinu kada je primljeno 404 predmeta, u 2022. godini primljeno je 418 predmeta, što predstavlja povećanje za 14 predmeta ili procentualno 3,34 %.

Ukupno u radu na svim referatima bilo je 11.907 predmeta, što u odnosu na 2021. godinu kada je u radu bilo ukupno 11.968 predmeta predstavlja smanjenje za 61 predmet ili procentualno 0,51%. U 2022. godini riješeno je na svim referatima 6.824 predmeta, što predstavlja povećanje broja riješenih predmeta za 274 predmeta u odnosu na 2021. godinu kada je na svim referatima riješeno 6.550 predmeta.

Na kraju 2022. godine na svim referatima je ostalo neriješeno 5.083 predmeta, što u odnosu na 2021. godinu kada je ostalo 5.418 predmeta predstavlja smanjenje broja neriješenih predmeta za 335 predmeta ili procentualno 6,59%.

Kantonalni sud u Tuzli uspio je u 2022. godini riješiti više od tekućeg priliva predmeta i smanjiti broj neriješenih predmeta za 4,90%, ali sigurno bi rezultati bili još bolji da su u ovaj sud izabrane sudije po raspisanom konkursu i da nije bilo odsustva sudija usljed bolovanja.

Na sljedećoj tabeli prikazan je protok predmeta u sudu po osnovnim referatima:

Protok predmeta u Kantonalnom sudu Tuzla za 2022.godinu

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
IZVRŠNO	571	445	1016	569	447
I-Gž	424	261	685	369	316
I-Gži	3	1	4	3	1
I-R	0	5	5	5	0
Ip-Pž	58	37	95	57	38
Ip-R	0	1	1	1	0
Mal-Gži	23	36	59	35	24
Mals-Pžip	3	2	5	2	3
P-Gži	39	73	112	63	49
Ps-Pžip	6	3	9	8	1
Rs-Rsži	7	21	28	19	9
V-Gži	8	5	13	7	6
KRIVIČNO	428	1506	1934	1569	365
K-Iksž	0	28	28	28	0
K-K	47	42	89	46	43

K-Kbs	17	31	48	48	0
K-Kp	2	13	15	15	0
K-Kpp	24	163	187	173	14
K-Kps	11	34	45	33	12
K-Kr	1	0	1	1	0
K-Kv	34	223	257	248	9
K-Kvl	0	3	3	3	0
K-Kž	242	816	1058	795	263
K-Kžk	16	44	60	50	10
K-Mpom	19	54	73	61	12
K-R	14	51	65	63	2
Km-Kbs	1	0	1	1	0
Km-Kmž	0	4	4	4	0

PARNIČNO	3049	2722	5771	2581	3190
Kpu-Gž	4	0	4	3	1
Mal-Gvl	2	2	4	3	1
Mal-Gvlž	0	1	1	1	0
Mal-Gž	768	364	1132	494	638
Mal-R	0	1	1	1	0
P-Gvl	5	9	14	11	3
P-Gvlž	2	5	7	4	3
P-Gž	1262	596	1858	793	1065
P-Mo	0	3	3	3	0
P-Mož	1	29	30	26	4
P-R	0	5	5	4	1
Rs-Mož	1	5	6	4	2
Rs-R	0	1	1	1	0
Rs-Rsvl	1	1	2	1	1
Rs-Rsvlž	0	2	2	2	0
Rs-Rsž	1003	1698	2701	1230	1471

PREKRŠAJNO	76	346	422	385	37
Pr-Mpom	0	3	3	3	0
Pr-Pvlp	0	1	1	0	1
Pr-Pžp	73	330	403	368	35
Pr-R	3	11	14	14	0
Prm-Pžpm	0	1	1	0	1

PRIVREDNO	478	215	693	245	448
L-Pž	0	2	2	0	2
Mals-Pvl	1	0	1	0	1
Mals-Pž	149	58	207	81	126
Ps-Mož	0	4	4	2	2
Ps-Pvl	1	1	2	0	2
Ps-Pž	319	143	462	151	311
Ps-R	0	1	1	1	0
Reg-Pž	7	2	9	7	2

St-Pž	1	4	5	3	2
SUDSKA UPRAVA	8	345	353	349	4
R-R	2	66	68	66	2
Su-AP	6	279	285	283	2
UPRAVNO	217	418	635	473	162
U-R	1	12	13	10	3
U-U	208	393	601	442	159
U-Uvp	8	12	20	20	0
U-Už	0	1	1	1	0
VANPARNIČNO	188	363	551	398	153
O-Gvl	1	0	1	0	1
O-Gž	17	12	29	18	11
O-R	0	1	1	1	0
V-Gvl	0	1	1	1	0
V-Gvlž	0	1	1	1	0
V-Gž	138	71	209	95	114
V-Mpom	2	0	2	2	0
V-R	0	2	2	2	0
V-V	30	275	305	278	27
ZEMLJIŠNO-KNJIŽNO	403	129	532	255	277
Dn-Gvl	0	1	1	0	1
Dn-Gž	303	96	399	188	211
Dn-Pž	100	32	132	67	65
UKUPNO	5418	6489	11907	6824	5083

VI – RAD KRIVIČNOG ODJELJENJA

U okviru Krivičnog odjeljenja poslovi su se obavljali kroz postojeće referate i to: referat za prethodni postupak, referat za prethodno saslušanje, prvostepeni i drugostepeni krivični referat i drugostepeni prekršajni referat.

U Krivičnom odjeljenju radilo je 6 sudija i to na prvostepenom krivičnom referatu dvoje sudija, a četvero sudija na drugostepenom krivičnom referatu, s tim što je dvoje od ovih sudija istovremeno radilo i na prvostepenom krivičnom referatu.

- **Prvostepeni krivični referat**

Na prvostepenom krivičnom referatu iz 2021. godine prenesena su 47 neriješena predmeta, a u 2022. godini primljena su 42 predmeta, tako da je ukupno u radu bilo 89 predmeta. U 2022. godini riješeno je 46 predmeta, a ostalo na kraju godine neriješeno 43 predmeta, što predstavlja smanjenje za 4 predmeta u odnosu na prethodnu 2021. godinu. Na prvostepenom krivičnom referatu predmeti ratnih zločina, predmeti korupcije i pritvorski predmeti imaju prioritet u radu, u odnosu na sve ostale predmete, iako u 2022. godini nije primljen ni jedan predmet ratnog zločina.

U strukturi krivičnih djela u predmetima koji su riješeni na prvostepenom krivičnom referatu najviše su zastupljena krivična djela – zloupotreba položaja ili ovlašćenja, porezna utaja, pronevjera u službi, razbojništvo, trgovina ljudima, krađa, ubistvo i teška djela protiv sigurnosti javnog prometa, a kako je to bilo i u prethodnoj godini.

- **Drugostepeni krivični referat**

U nadležnosti ovog referata je odlučivanje o žalbama izjavljenim protiv odluka donesenih od strane općinskih sudova u krivičnom postupku.

Na kraju 2021. godine ostala su neriješena 242 predmeta. U toku 2022. godine primljeno je 816 predmeta, tako da je ukupno u radu u ovoj godini bilo 1.058 predmeta. Riješeno je 795 predmeta, a ostala su na kraju 2022. godine neriješena 263 predmeta, što u odnosu na 2021. godinu predstavlja smanjenje broja neriješenih predmeta za 21 predmet ili 7,98%.

- **Rješavanje predmeta ratnih zločina**

U skladu sa Uputstvom Visokog sudskog i tužilačkog vijeća BiH Kantonalni sud u Tuzli nije sačinio Plan rješavanja predmeta ratnih zločina, jer nije imao u radu ni jedan aktivan predmet. U sudu su evidentirana 2 predmeta ratnih zločina od kojih su oba predmeta blokirana, jer se u jednom predmetu optuženi nalazi u bjekstvu i za njim je raspisana potjernica, a u drugom predmetu u odnosu na optuženog doneseno je rješenje o ustupanju krivičnog gonjenja Republici Srbiji, ali se pravosudne institucije ove države još uvijek nisu izjasnile da li preuzimaju krivično gonjenje protiv optuženog.

- **Rješavanje predmeta korupcije i organiziranog kriminala**

Iz 2021. godine preneseno je 6 neriješenih predmeta korupcije. U toku 2022. godine primljen je 1 predmet, tako da je ukupno u radu bilo 7 predmeta i isključivo se odnose na krivična djela – zloupotrebe položaja ili ovlaštenja, pronevjere i pranja novca. U 2022. godini riješena su 3 predmeta,

a ostala su neriješena 4 predmeta i svi ti predmeti su aktivni, što znači da sudije u tim predmetima postupaju.

Od 3 završena predmeta korupcije sva tri predmeta su završena osuđujućim presudama u kojima su izrečene kazne zatvora koje su se kretale u rasponu od 1 godine do 2 godine i 10 mjeseci. U jednom predmetu osuđenom je naloženo da nadoknadi štetu oštećenom u iznosu od 80.479,10 KM, a u jednom predmetu je oduzeta imovinska korist od optuženog pribavljena krivičnim djelom u iznosu od 135.646,00 KM.

Iz 2021. godine prenesena su kao neriješena 3 predmeta organiziranog kriminala. U 2022. godini primljena su 2 predmeta organiziranog kriminala, tako da je ukupno u radu bilo 5 predmeta.

U 2022. godini riješena su 2 predmeta, tako da su na kraju godine ostala neriješena 3 predmeta, koja su aktivna i u kojima sudije postupaju.

- **Drugostepeni prekršajni referat**

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnim predmetima.

Iz 2021. godine preneseno je neriješenih 76 predmeta. U toku 2022. godine primljeno je 346 predmeta, tako da je ukupno u radu bilo 422 predmeta. U 2022. godini riješeno je 385 predmeta, a ostalo neriješeno 37 predmeta, što u odnosu na 2021. godinu predstavlja smanjenje od 39 predmeta ili procentualno 10,12%. Obzirom na mali broj neriješenih predmeta na ovom referatu, može se zaključiti da je ovaj referat ažuran.

- **Zastarjelost pokretanja i vođenja krivičnog i prekršajnog postupka**

U 2022. godini je nastupila apsolutna zastara u 3 „Kž“ predmeta i u 1 „Kžk“ predmetu.

Sud posebnu pažnju posvećuje pitanju zastarjelosti krivičnog i prekršajnog postupka i prioritet u radu imaju krivični i prekršajni predmeti u kojima postoji eventualna mogućnost da će nastupiti zastarjelost vođenja postupka, ali u nekim slučajevima kada je predmet dostavljen na rješavanje po žalbi, zbog kratkoće vremena za preduzimanje pojedinih procesnih radnji, nastupa zastarjelost vođenja postupka, a na koju ovaj sud ne može uticati.

VII – RAD GRAĐANSKOG ODJELJENJA

U nadležnosti ovog odjeljenja je vršenje poslova drugostepenog suđenja u parničnim predmetima, postupak po vanrednom pravnom lijeku (ponavljanje postupka), odlučivanje o žalbi na rješenje doneseno povodom prijedloga za ponavljanje postupka, poslova priznanja odluka stranih sudova, kao i poslovi praćenja i proučavanja sudske prakse, a koji poslovi se obavljaju kroz drugostepeni građanski referat, prvostepeni referat i referat priznanja stranih sudskih odluka.

U Građansko odjeljenje do 16.06.2022. godine bilo je raspoređeno 15 sudija, a od tog datuma 18 sudija, jer je od strane Visokog sudskog i tužilačkog vijeća BiH izvršen izbor troje sudija, s tim što je jedan sudija zbog odsustva usljed bolovanja počeo raditi tek u mjesecu oktobru 2022. godine.

U toku 2022. godine na parničnom referatu primljeno je 3.874 predmeta, tako da je sa 4.689 predmeta koji su preneseni iz 2021. godine, na ovom referatu ukupno u radu bilo 8.563 predmeta. Od tog broja riješeno je 4.048 predmeta, a ostalo neriješenih 4.515 predmeta, što u odnosu na 2021. godinu kada je na kraju godine ostalo neriješenih 4.708 predmeta, predstavlja smanjenje broja neriješenih predmeta za 193 predmeta ili procentualno 4,27%. Ovo smanjenje bi bilo znatno više da je pored troje sudija koji su izabrani 16.06.2022. godine, izvršen i izbor sudije kao zamjena za sudiju koji je otišao u penziju u mjesecu februaru 2022. godine i da jedan broj sudija nije bio odsutan zbog dužih bolovanja.

Kao i u prethodnoj godini na ovom referatu i dalje su zastupljeni predmeti koji se odnose na ostvarivanje prava iz radnog odnosa, potraživanje po osnovu duga, naknade štete, imovinsko – pravne sporove, privredne sporove, izvršne, vanparnične predmete, kao i zemljišno – knjižne predmete. Obzirom na veliki broj predmeta kojima su sudije zadužene u okviru Građanskog odjeljenja uloženi su maksimalni naponi da se smanji broj neriješenih predmeta, a što je bio i cilj Plana rješavanja predmeta kojeg je donio ovaj sud na početku godine, te je u 2022. godini uspio riješiti tekući priliv predmeta koji je u odnosu na 2021. godinu na ovom referatu veći za 1.161 predmet ili procentualno 29,96% i za 335 predmeta smanjiti ukupan broj neriješenih predmeta, što predstavlja značajan napredak u odnosu na prethodne godine.

Priliv je znatno povećan na referatu radnih sporova, jer nakon što je ovaj sud po zahtjevu Općinskog suda u Tuzli uradio jedan predmet kao „pilot“, u ovaj sud je u 2022. godini na rješavanje po žalbi došlo preko 1.000 predmeta radnih sporova, po istom pravnom osnovu, koji se mogu svrstati u tipske predmete. Zbog ovih predmeta povećan je broj predmeta u Građanskom odjeljenju, pa svjesni činjenice da se radi o tipskim predmetima, tražili smo mišljenje od Odjela za efikasnost pravosuđa da ove predmete uzmemo u rad, ali mimo predmeta koje uzimamo u rad po starosti inicijalnog akta i koji su uneseni u Plan rješavanja predmeta. Na taj način od ukupno 2.701 predmet koliko je bilo u radu na referatu radnih sporova u

2022. godini, riješeno je 1.230 predmeta, tako da je na kraju godine ostalo neriješenih 1.471 predmet.

Svaki sudija na građanskom referatu zadužen je u prosjeku sa oko 280 neriješenih predmeta, što predstavlja normu od 1 godine i 4 mjeseca svakog sudije na građanskom referatu, bez tekućeg priliva. Ako se uzme u obzir broj neriješenih predmeta na kraju 2022. godine na ovom referatu koji iznosi 4.708 predmeta, pored postojećih bilo bi potrebno još 6 sudija koji bi radili u periodu od 1 godine da bi se mogao riješiti taj broj predmeta, pod uslovom da sudije ne dobiju ni jedan novi predmet u rad i da nemaju odsustva po bilo kom osnovu.

Poseban problem kada je u pitanju rad građanskog referata predstavlja suđenje u razumnom roku. U prethodnom periodu ovaj sud je suočen sa problemom podnošenja velikog broja apelacija od strane stranaka Ustavnom sudu BiH, kako u predmetima koji nisu završeni, tako i u predmetima koji su završeni, a sve u cilju ostvarenja prava na naknadu materijalne štete. Ovaj sud nema dovoljan broj sudija da bi mogao blagovremeno rješavati predmete u nekom razumnom roku od godinu dana, iz kojih razloga stranke i podnose apelacije Ustavnom sudu BiH. Ukoliko bi se želilo postići suđenje u razumnom roku, Kantonalnom sudu u Tuzli Visoko sudsko i tužilačko vijeće BiH treba imenovati 5 sudija za koje je raspisan konkurs, a još nije izvršen izbor, a pored tih sudija potrebno je pokrenuti proceduru za raspisivanje konkursa za još 2 sudija za koje su obezbjeđena sredstva u budžetu suda za 2023. godinu.

U okviru Građanskog odjeljenja Kantonalni sud u Tuzli je dao podršku Projektu „Sedmica sudske nagodbe“ koji se održao u periodu od 23. maja do 03. juna 2022. godine i u periodu od 07. novembra do 18 novembra 2022. godine, pozivanjem stranaka da pristupe u sud i da u cilju efikasnijeg rješavanja njihovih predmeta u postupku po žalbi pred ovim sudom zakluče sudsku nagodbu, jer će na taj način skratiti vrijeme trajanja spora, kao i ostale troškove nastale u vezi sa sudskim postupkom. Međutim, nije bilo interesovanja stranaka da spor pred sudom riješe na ovaj način, tako da ovaj projekat nije dao očekivane rezultate, jer je samo u jednom predmetu sklopljena sudska nagodba.

VIII – RAD UPRAVNOG ODJELJENJA

U nadležnosti ovog odjeljenja je odlučivanje u svim upravnim sporovima, kao i o zahtjevima za zaštitu sloboda i prava utvrđenih Ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

Na referatu upravnog spora iz 2021. godine preneseno je 217 predmeta, a u toku 2022. godine primljeno je 418 predmeta, tako da je u

2022. godini ukupno u radu bilo 635 predmeta, dakle za 75 predmeta manje nego u 2021. godini. U toku 2022. godine riješena su 473 predmeta i na kraju godine ostalo je neriješeno 162 predmeta, što predstavlja smanjenje broja neriješenih predmeta za 55 predmeta u odnosu na 2021. godinu. U 2022. godini postignuti su značajni rezultati na smanjenju broja neriješenih predmeta, jer na ovom referatu sada radi dvoje sudija, tako da se broj neriješenih predmeta značajno smanjio. Predmeti na ovom referatu rješavaju se u optimalnim rokovima, pa se može zaključiti da je ovaj referat izuzetno ažuran.

IX – DUŽINA TRAJANJA POSTUPKA NA REFERATIMA

Prosječno trajanje postupka na drugostepenom parničnom referatu iznosilo je 640 dana, a na drugostepenom privrednom referatu 893 dana, jer se predmeti rješavaju po starosti inicijalnog akta kojim je pokrenut postupak pred općinskim sudom i po starosti inicijalnog akta kojim je pokrenut postupak pred ovim sudom, tako da se građanski predmeti posebno ne odvajaju, nego sudije rješavaju sve vrste građanskih predmeta isključivo po starosti inicijalnog akta.

Na prvostepenom krivičnom referatu prosječno trajanje postupka iznosilo je 349 dana, a u ove postupke su uključeni predmeti ratnih zločina, koji se zbog složenosti postupka ne mogu riješiti u optimalnim rokovima ili se ne mogu riješiti zbog nedostupnosti optuženih lica protiv kojih su raspisane potjernice. Također prosječno trajanje postupka povećaju predmeti koji su blokirani i u kojima su raspisane potjernice protiv optuženih lica.

Postupak po žalbi u vanparničnim predmetima prosječno trajao je 513 dana, jer se i u ovim predmetima postupa po starosti inicijalnog akta, odnosno akta kojim je pokrenut postupak pred općinskim sudom i pred ovim sudom.

Prosječno trajanje postupka u predmetima upravnog spora iznosio je 178 dana i ispod je predvidivog roka.

Ispod predvidivog roka je i postupak u drugostepenim krivičnim predmetima u kojima je postupak trajao 150 dana, što je u optimalnom roku i u drugostepenim prekršajnim predmetima u kojima je postupak trajao 47 dana.

U postupcima odlučivanja u stečajnim predmetima prosječno trajanje riješenih predmeta iznosi 184 dana, što je iznad predvidivog roka.

Također iznad predvidivog roka je i postupak u zemljišno – knjižnim predmetima i predmetima ponavljanja postupka u građanskim stvarima, dok je u predmetima odlučivanja o žalbi na mjeru osiguranja postupak ispod optimalnog roka i iznosi 67 dana.

Prosječno trajanje riješenih predmeta u sudu na godišnjem nivou iznosi 502 dana, a prosječno trajanje neriješenih predmeta 353 dana.

Nedovoljan broj sudija, duži postupci imenovanja sudija, dugotrajna odsustva sudija zbog bolesti na referatima na kojima ima najviše neriješenih

predmeta i nedovoljan broj stručnih saradnika, uticao je na prosječno trajanje riješenih i neriješenih predmeta. Sem toga, uzimanje predmeta u rad prema starosti inicijalnog akta kojim je pokrenut postupak pred prvostepenim sudom utiče na dužinu trajanja postupka u novijim predmetima koji pred drugostepenim sudom čekaju na red rješavanja, jer se prioritarno uzimaju u rad stari predmeti.

X - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA U BOSNI I HERCEGOVINI

Visoko sudsko i tužilačko vijeće Bosne i Hercegovine krajem mjeseca oktobra 2022. godine usvojilo je Strategiju za unapređenje rodne ravnopravnosti u pravosuđu Bosne i Hercegovine (u daljem tekstu skraćeno: Strategija), jer je Bosna i Hercegovina kao potpisnica brojnih međunarodnih dokumenata, koji tretiraju pitanje ljudskih prava i sloboda, dužna se podržavati principa rodne ravnopravnosti i aktivno težiti njegovom uspostavljanju, te osigurati svakome ostvarivanje svih ljudskih prava i temeljnih sloboda, bez diskriminacije po bilo kojem osnovu. Strategijom su postavljeni strateški ciljevi za unapređenje rodne ravnopravnosti u pravosuđu BiH i određene su aktivnosti Visokog sudskog i tužilačkog vijeća BiH i pravosudnih institucija u implementaciji Strategije.

U tom smislu određeno je da će Visoko sudsko i tužilačko vijeće BiH koordinirati procesom donošenja akcionih planova od strane pravosudnih institucija, te pružati podršku u okviru navedenog procesa, s ciljem omogućavanja jednakog pristupa pravdi i jednakosti svih građana po zakonu.

Zaposlenici Kantonalnog suda u Tuzli su dana 08. marta 2022. godine upoznati da je u sudu započeo proces implementacije Strategije za unapređenje rodne ravnopravnosti u pravosuđu Bosne i Hercegovine, te je predsjednica suda dana 10. marta 2022. godine imenovala Radnu grupu sačinjenu od osoblja oba spola, čiji zadatak je bio preduzimanje neophodnih koraka u implementaciji Strategije, odnosno donošenju i primjeni akcionih planova.

Radna grupa u predviđenom roku pripremila je Akcioni plan za implementaciju Strategije za unapređenje rodne ravnopravnosti i isti uputila Visokom sudskom i tužilačkom vijeću Bosne i Hercegovine, na odobravanje.

Visoko sudsko i tužilačko vijeće Bosne i Hercegovine je na sjednici održanoj krajem mjeseca septembra 2022. godine odobrilo navedeni Akcioni plan, nakon čega je predsjednica suda donijela Odluku o usvajanju i provođenju Akcionog plana za implementaciju Strategije za unapređenje rodne ravnopravnosti u Bosni I Hercegovini broj 003-0-Su-22-000 252 od 20. oktobra 2022. godine.

Nosioci aktivnosti iz Akcionog plana su početkom novembra mjeseca 2022. godine krenuli sa aktivnostima na implementaciji mjera predviđenih akcionim planom.

S tim u vezi, u rokovima koji su određeni Akcionim planom, implementirane su slijedeće aktivnosti:

- Imenovana je kontakt osoba kojoj će se moći obratiti svi građani i zaposlenici Kantonalnog suda u Tuzli ukoliko primijete neke nepravilnosti ili nejednako postupanja sa osobama koje dolaze u kontakt sa pravosudnom institucijom.
- Putem mail-a svim zaposlenicima suda su poslani zanimljivi propagandni materijali na temu rodne ravnopravnosti, rodni stereotipa i rodne diskriminacije (seksizma, rodnog uznemiravanja).
- Strategija za rodnu ravnopravnost, Zakon o zabrani diskriminacije BiH („Službeni glasnik BiH“, broj 59/09) i Zakon o ravnopravnosti spolova u Bosni i Hercegovini („Službeni glasnik BiH“, broj 32/10) objavljeni su na web. stranici suda.
- Uvedena je knjiga žalbi u pisarnici suda koja je namijenjena strankama, ali i zaposlenicima suda da bi im bilo omogućeno anonimno obraćanje u slučajevima rodno zasnovanog neravnopravnog postupanja prema njima, rodnog uznemiravanja i bilo kojeg oblika diskriminacije.
- Uvedena je elektronska knjiga žalbi za slučajeve detekcije rodne diskriminacije, narušavanja rodne ravnopravnosti, i prisutnosti seksizma.

Odlukom predsjednice suda broj 003-0-Su-22-000 252 od 15. decembra 2022. godine produžen je rok sa tri mjeseca na devet mjeseci od dana usvajanja Akcionog plana za implementaciju aktivnosti koje su usmjerene na prilagođavanje Pravilnika o sistematizaciji radnih mjesta i web. stranice rodno senzitivnom jeziku.

XI – ZAKLJUČAK

Na osnovu podataka navedenih u informaciji o radu Kantonalnog suda u Tuzli za 2022. godinu može se zaključiti da je sud postigao izuzetno dobre rezultate u svom radu, da je uspio riješiti veći broj predmeta u odnosu na tekući priliv predmeta, pa u konačnici i smanjiti broj neriješenih predmeta u odnosu na prethodnu 2021. godinu za 4,90%, iako je radio u nepopunjenom

kapacitetu, jer je jedan sudija otišao u penziju na početku godine, a nije izvršen izbor 5 sudija za koje je raspisan konkurs, a pored toga nekoliko sudija je bilo u toku godine na bolovanju, u vremenskim periodima od jednog do tri mjeseca.

Iako je bio raspisan konkurs za troje sudija za građanski referat u mjesecu maju 2022. godine i za još dvoje sudija pri kraju 2022. godine, izbor ovih sudija nije izvršen u 2022. godini, što je u značajnoj mjeri uticalo na ukupne rezultate rada suda, koji su mogli biti još bolji.

U ovom sudu nije popunjena sistematizacija i sudu nedostaje još 7 sudija da bi sud radio u punom kapacitetu. Nadamo se da ćemo u narednom periodu uspjeti popuniti sistematizaciju suda izborom sudija od strane Visokog sudskog i tužilačkog vijeća BiH po raspisanim konkursima, kao i da će nam Vlada Tuzlanskog kantona dati saglasnost za izbor sudija koji nedostaju po upražnjenoj sistematizaciji, jer smo budžetom suda za 2023. godinu obezbijedili sredstva za izbor još 2 sudija.

Skoro sve sudije na svojim referatima ostvaruju utvrđenu programsku normu, pa čak je i prebacuju, a na što ukazuje procenat ostvarene kolektivne norme suda za 2022. godinu od 123,56%. Međutim, bez popune sistematizacije u potpunosti, ne mogu se očekivati rezultati u smislu optimalne ažurnosti, jer nedostatak sudija direktno utiče na ukupan broj riješenih predmeta, a time i na suđenje u razumnom roku.

Stoga smatramo, da bi bilo opravdano da se u potpunosti popuni sistematizacija ovog suda u pogledu utvrđenog broja sudija koji nedostaju po sistematizaciji suda, jer se samo na taj način može postići suđenje u razumnom roku i brže rješavanje predmeta i ostvarenje prava građana na efikasnu pravnu zaštitu u sudskom postupku. Popunjavanje sistematizacije suda dovelo bi do toga da bi stranke u sudskom postupku brže mogle ostvariti svoja prava i ne bi se obraćale Ustavnom sudu BiH, zbog suđenja u razumnom roku, jer za naknade materijalne štete koje Ustavni sud BiH dosuđuje strankama u posljednjih nekoliko godina mogla su se obezbijediti sredstva za izbor nekoliko sudija koji bi radili na rješavanju neriješenih predmeta.

Također, Visoko sudsko i tužilačko vijeće BiH trebalo bi skratiti proceduru izbora sudija, je period do godinu dana, koliko traje izbor sudije se direktno odražava na ukupan broj završenih predmeta.

U Kantonalnom sudu u Tuzli građanski referat je najopterećeniji referat, jer ima najveći broj neriješenih predmeta, a nedovoljan broj sudija koji bi radili na tim predmetima. Naime, svaki sudija na građanskom referatu u prosjeku zadužuje oko 280 neriješenih predmeta, što znači da kada sud ne bi primio ni jedan novi predmet, sudijama na građanskom referatu bi trebale 1 godina i 4 mjeseca da riješe zadužene predmete. U 2022. godini uspjeli smo postići smanjenje broja neriješenih predmeta na drugostepenom krivičnom referatu i referatu upravnog spora i dovesti te referate u stanje da se predmeti rješavaju u daleko kraćim rokovima.

Jedna od mjera koja može uticati na efikasniji rad suda je delegiranje sudija iz sudova koji imaju daleko manji broj predmeta u radu ili ih nemaju, u sud koji je opterećen većim brojem predmeta, kao što je to Visoko sudsko i tužilačko vijeće BiH učinilo delegiranjem sudija iz Kantonalnog suda u Odžaku u Kantonalni sud u Tuzli. Ovaj institut se može uspješno primijeniti ne samo na rad kantonalnih sudova, nego i na rad općinskih sudova koji nemaju dovoljan broj predmeta u radu. Međutim, sudije koje se privremeno upućuju na rad u drugi sud, trebale bi podliježati obavezi rada na planu rješavanja predmeta, kao i druge sudije barem u određenom procentu, jer bez te obaveze sudije ne pristupaju blagovremenom rješavanju najstarijih predmeta, pa se dešava da ti predmeti kod sudija, koji uopšte nemaju dovoljno predmeta za rad, budu na rješavanju i po dvije i po godine ili budu ostavljeni kao neriješeni i vraćeni sudu poslije isteka vremena privremenog upućivanja sudija u drugi sud.

Efikasnijem radu suda doprinosi odgovarajući broj stručnih saradnika – državnih službenika koji pod nadzorom sudije rade na rješavanju predmeta. Sudu nedostaju još 4 stručna saradnika koji bi pod mentorstvom sudije radili na rješavanju predmeta iz građansko – pravne oblasti i krivično – pravne oblasti, obzirom da na građanskom referatu ima dosta neriješenih predmeta, a na krivičnom referatu zbog složenosti predmeta kojima su sudije zadužene, kao što su predmeti korupcije, predmeti organiziranog kriminala i ratnih zločina, sudijama kao podrška u radu su neophodni stručni saradnici. Sudije na krivičnom referatu zbog složenosti predmeta u kojima se vode krivična suđenja i zbog raznovrsnosti krivičnih djela, obavezno bi morali imati u svom timu i stručne saradnike, osobe sa završenim Pravnim fakultetom i položenim pravosudnim ispitom, koji bi tim sudijama bili podrška u radu u pogledu pripreme predmeta za suđenje, koncentracije dokaza i evidentiranja svih neophodnih radnji, a koje sudijama oduzimaju puno vremena u smislu aktivnog proučavanja i rada na krivičnom predmetu. Na ovaj način bi se stručnim saradnicima pružila prilika da se stručno usavršavaju za budući rad u pravosuđu, a plaće za njihov rad ne bi predstavljale veliko opterećenje budžetu suda.

U toku 2022. godine, završena je procedura prijema jednog stručnog saradnika putem Agencije za državnu službu Federacije BiH.

Također jedna od mjera koja može uticati na efikasniji rad suda je odgovarajući broj administrativno – tehničkog osoblja, naročito daktilografa koji rade neposredno sa sudijom. U 2022. godini zahvaljujući podršci Vlade Tuzlanskog kantona koja je obezbijedila novčana sredstva ovaj sud je primio u radni odnos pet zaposlenika – Viših referenata za operativno – tehničke poslove (daktilografa), jednog IKT referenta i jednu spremačicu. Postoji potreba za još većim brojem – Viših referenata za operativno – tehničke poslove (daktilografa), obzirom na povećani obim sudijskog posla i potrebu da svaki sudija ima svog saradnika, jer trenutno jedan saradnik radi sa dvoje sudija, što predstavlja opterećenje za sudiju, jer ne može imati saradnika koji bi radio s njim kontinuirano. Pri tome, treba imati u vidu da postojeći saradnici sudija koji rade kao viši referenti za operativno – tehničke poslove (daktilografi), taj posao rade dugi niz godina i dobar dio ovih

zaposlenika nalazi se pred penzijom i u svakom slučaju bi trebalo postepeno popunjavati upražnjena mjesta mlađim zaposlenicima.

U 2022. godini Vlada Tuzlanskog kantona je Kantonalnom sudu u Tuzli kroz budžetska sredstva obezbijedila dovoljno sredstava da sud može potpuno funkcionisati i ispunjavati svoje obaveze. Pored toga, Vlada Tuzlanskog kantona kroz kapitalna sredstva obezbijedila je Kantonalnom sudu u Tuzli iznos od 11.000,00 KM, za nabavku klima uređaja, kopir aparata, protivpožarnog aparata i 2 računara, i ta oprema je nabavljena u postupku javne nabavke, tako da su sredstva koja su dodijeljena sudu u cjelosti realizovana.

U pogledu saradnje Kantonalnog suda u Tuzli sa drugim institucijama, valja istaći izuzetno dobru saradnju sa Visokim sudskim i tužilačkim vijećem Bosne i Hercegovine, koje prati rad ove pravosudne institucije i pruža joj podršku u radu. Izuzetno dobra saradnja je ostvarena i sa Vrhovnim sudom Federacije Bosne i Hercegovine, Vladom Tuzlanskog kantona, Ministarstvom pravosuđa i uprave i Ministarstvom finansija Tuzlanskog kantona, Kantonalnim tužilaštvom Tuzlanskog kantona, općinskim sudovima na području Tuzlanskog kantona, Odjeljenjem sudske policije sudova u Tuzlanskom kantonu, Centrom za edukaciju sudija i tužilaca u Federaciji BiH, kao i ostalim institucijama sa kojima se sud susreće u svom radu.

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI
Broj: 003-0-Su-23-000 118
Datum, 01. februar 2023. godine

PREDSJEDNICA SUDA
Indira Hadžimehmedović